





18350

kat. komm









2385.

SOLEMNIA
MAGISTRORVM

PHILOSOPHIAE ET BONARVM ARTIVM

DIE V. MART. CIOIOCLXXII (1772)

CREANDORVM IN AVGV RANDORVM QVE
IN AVDITORIO PHILOSOPHICO

CELEBRANDA

HUMANISSIME INVITAT

ORDINIS PHILOSOPHICI

DECANVS

D. HENRICVS GOTTLIEB FRANCKE P. P. O.

SACRI PALATII COMES.

IN EST · SUPPLEMENTVM

*Dissertationis de Nexu foederum perpetuae unionis inter Augustam
Domum Austriacam Poloniaeque regnum.*

MAGISTROV M
SOLIMNIA

THEOLOGICAL ET BONUM

THE V. HART GOSPEL

CELESTIAL IN A GARDEN

IN AUDITORIUM PHILOSOPHICUM

BIBLIOTHECA



UNIV.

AGELL.

CRACOVENSIS

DECAVS

D. HENRICVS GOTTFRID FRANKL

SACRI PALATII

18350.I.

INSTITUTUM

INSTITUTUM DE VITIS

INSTITUTUM DE VITIS



§. I.

Quinque fere praeterlapsa sunt lustra, ex quo dissertationem meam *de Nexu foederum perpetuae unionis, inter Augustam Domum Austriacam Poloniaeque regnum*, eruditorum examini subieci. Quum itaque in praesenti iterum necesse habeam, vi officii, quo iamiam fungor, edere prolusionem academicam, simulque indicare creandorum nouorum magistrorum solennia; non prorsus incongruum iudicaui, modo memoratae dissertationis spicilegium, licet breue ac tenue, exhibere. Amplam quippe ac verbosam tractationem non permittit eiusmodi descriptionum scopus. Cuncta vero, vti e sequentibus patebit, vnico tantum e fonte haurire licuit, deficientibus vtpote omnibus aliis. In perficiendo contra hocce supplemento, eum seruare animus est ordinem, vt, quae in singulis dissertationis meae paragraphis vel illustranda, vel confirmanda supplenda aut emendanda veniunt, in medium proferam. Vnicum solum incommodum non prorsus potui euitare, ni-

IV

mirum, quod, sine dissertatione, hocce spicilegium, non omni eo parte, ac plene queat intelligi. Interim ipsam tamen dissertationem licet facile inuenire.

§. II.

Primam eamque solemnem unionem, veluti haereditariam iniisse cum Casimiro III Poloniae Rege, Albertum Archi-Ducem Austriae, fratrem Friderici III Imperatoris, in meae dissertationis §. VII asserui. Sed antiquior extat, Confoederatio inter Duces Austriae, Rudolphum Fridericum Albertum et Leopoldum nec non Meinhardum Bauariae Ducem ab una, et Ludovicum Hungariae, atque Casimirum Poloniae reges, a parte altera. Dat. Posonii ult. die Decemb. Anno c18ccclxix. Exhibet illam ex authentico exemplari, quod extat in tabulario Illustrissimi Dn. Iosephi, Comitis ZALVSKI Referendarii Regni Praestantissimus CODEX DIPLOMATICVS Regni Poloniae et Magni Ducatus Lithuaniae, in his terris parum obuius, (Vilnae c18ccclviii sq. fol.) T. I. p. 152 sq. Ad contenta vero huius foederis quod attinet

- 1) Indissolubilis vnio inter foederatos firmatur, eorumque terras et dominia, nec non mutuum ac perpetuum auxilium, contra inuasores quoscunque, nullo prorsus excepto, sine vlla dilatione ac tergiversatione.
- 2) Nullum bellum sine reliquorum consensu ac voluntate indicare, nec vllum inimicum vel hostem auxilio consilioque iuuare, aut concordiam pacemque inire, sibi inuicem promittunt foederati.
- 3) Commune potius omnium commodum, cunctis viribus promouere, et omnibus hoc impedire, vel ei derogare volentibus, sese opponere pollicentur huius foederis consortes.

4) In-

- 4) Inprimis vero se se obligant, omnes vniones concordias colligationes etc. huic foederi contrarias tollere, quae vero ipsi aliquod robur tribuere valeant, quocunque tempore sint initae, sancte seruare nec non magis inagisque firmare.

Ingens praeterea occurrit Praelatorum ac Baronum terrarum Austriacarum numerus, qui sigillis suis, hocce confirmarunt foedus. Illius denique, scriptorum tam Germanorum quam Polonorum nullus, quantum constat, facit mentionem, nec in alia quadam collectione formulam eius me legisse recordor,

§. III.

Antiquius porro conclusum fuisse foedus inter Albertum II Imperatorem et Vladislaum Poloniae regem, testantur Alberti Romanorum Ungariae Bohemiae etc. regis litterae plenae potestatis oratoribus suis datae, ad conficiendam pacem perpetuam cum Vladislao rege Poloniae, Datum Strigonii Sabbatho Post Festum S. Galli Anno Domini cidoccccxxxix. Deprehenduntur hae litterae, ex Archiuo Regni Lib. XXXVIII. No. XXXIX. fol. I. in modo citato CODICE DIPLOMATICO T. I. p. 154. No. V. Ipsum autem foedus non videtur perfectum, quoniam illius non extat formula, nec ab ullo memoratur scriptore. Felicem illius exitum sine dubio impediuit inopinata Caesaris mors, mox secuta.

§. IV.

Ipsa porro formula foederis inter Albertum Archi-Ducem Austriae et Casimirum Poloniae Regem conclusi, quam tunc temporis, quo modo adductam meam dissertationem elaboravi, nec reperire nec annum conclusionis indicare potui,

VI

extat, sub duplici titulo, in saepius memorato CODICE DIPLOMATICO T. I. p. 161 sq. No. XI. et XII. nimirum

- I. *Foedus amicitiae Fraternitatis et vnionis, inter Casimirum Regem Poloniae et Albertum Archi-Ducem Austriae, conclusum, saluo Iure Regis Poloniae exigendi a Domo Austriaca summam ducentorum millium aureorum numorum sibi debitam, litterisque Ladislai Vngariae et Bohemiae Regis hac de re (Anno MCCCCLIII.) datis integris manentibus. Datum Posnaniae feria secunda in crastino sanctae et individuae trinitatis MCCCCLXII. Ex Archiuo Regni Lib. III. Lit. C. Numero IV. fol. 546. In fine leguntur verba Relatio Domini Vice-Cancellarii.*
- II. *Tabulae eiusdem foederis ex parte Alberti Archi-Ducis Austriae. Dat. in Homicz Die XX Mens. Septembris Anno MCCCCLXII. Ex originali in Archiu. Cancell. Regni Lib. III. No. IV. fol. 497.*

Huius foederis contenta sunt, quae sequuntur

- 1) Sit foedus vnionis et fraternae concordiae inter foederatos.
- 2) Rex Casimirus promittit Albertum Archi-Ducem omni honore fide ac amore prosequi, nec ei subditisque illius bellum inferre, nec subditis suis hoc permittere, vt et subditis Alberti, quique illius defensione vel praesidio gaudent, plenam securitatem in regno suo, ac saluum conductum concedere, hac solum limitatione, vt controuersiae inter subditos regis et Alberti Archi-Ducis, secundum leges et consuetudines regni ac territoriorum suorum, decidentur, nec non salvis iuribus vxoris suae Elisabethae.
- 3) Idem promittit, in separato Instrumento modo adducto, Albertus Archi-Dux.

VIII

- 5) *Regina Elisabeth abdicat se omni Iure successionis in Ducatus Austriae, eique annexas prouincias, conditionibus, quae in his literis exprimuntur. Ex Origin. in Archiu. Cancellariae Regni Lib. VII. No. IIX. fol. 116 It. Lib. V. No. VI. fol. 59. ibid. p. 159. No. IX.*
- 6) *Litterae Casimiri Regis Poloniae quibus Reginae Elisabeth consorti suae, dotis et donationis propter Nuptias, certos Terrarum tractus, ciuitates oppida et villas obligat. Dat. in Noua Ciuitate Korczyn in conuentione generali. Sabbatho ante festum S. Luciae Anno MDCCCCLXI. Ex Archiu. Regni Lib. XXVII. Numero XVIII. fol. 84. ibid. p. 160. No. X.*

§. VI.

Foedus quod §. X. Dissertationis meae descripsi eiusque summam e Codice quodam MSto exposui, quoniam tunc temporis lucem publicam nondum viderat, typis nunc expressum ac integrum legitur ex Origin. in Archiu. Regni Lib. VIII. Lit. H. No. IX. In CODICE DIPLOMATICO T. I. p. 163. No. XIII. sub tit.

Tractatus foederis perpetui inter Fridericum III Imperatorem Ungariae etc. Regem, nec non Casimirum Poloniae Regem, ac inter Liberos, Haeredes et Regna et Subditos utriusque conclusi, quo pro suo et Successorum suorum honoris, dignitatis, ac statuum incremento mutuam sibi opem auxilia, et defensionem promittunt. Dat. Grez Die XX Mensis Octobr. Anno MDCCCCLXX.

Huic certo quidem modo adhuc videntur addenda foedera, quae tunc temporis mihi nondum fuerunt cognita, nimirum

*Confoederatio inter Fridericum III. Imperatorem, et Casimirum Regem Poloniae contra Matthiam Hungariae Regem, qua
tempus*

tempus expeditionis condicunt, (foederati) atque, ut durante hoc bello uterque eorum in Castris suis praesto adfit, inuicem se obligant. Datum Nurembergae XIII Mensis Martii MDCCCCLXXIV. Ex Originali Sigil. 2. ibid. p. 164.

nec non

Confoederatio inter Eosdem praecedenti similis. Datum in ciuitate Augustensi feria quarta infra octauam visitationis Mariae Virginis. Anno MDCCCCLXXIV. Ex Originali cum Sigill. Imp. ibid. p. 166. No. XVI.

§. VII.

Ea vero quae §. XI. et XII. Dissertationis meae in medium protuli, illustrant, suppleant et confirmant, diuersa tunc temporis nondum edita documenta, ac inprimis

Litterae Sigismundi Regis Poloniae nomine a commissione propria Regiae Maiestatis ad Maximilianum Imperatorem, pro maturando personali Conuentu Viennensi, perscriptae. Dat. Posonii die VII. April. Anno MDCCXV. ex Archiuo Regni, ibid. p. 167. No. XVII.

Sigismundi Poloniae Regis Conditionum Pacis et Amicitiae inter se, et Maximilianum Imperatorem cum Matthaeo Cardinali Gurcensi Oratore Imperiali, in Conuentu Posoniano conditarum Approbatio. Datum Posonii XX Mensis Maii Anno MDCCXV. Ex Originali in Archiuo Cancellar. Regni Lib. XIX. Lit. T. N. XX. fol. 24. ibid. p. 167. No. XVIII.

Praeter generalem mutuae vnionis ac pacis, inter Imperatorem ac Regem Poloniae confirmationem, in hac inprimis partes contrahentes sibi inuicem stipulantur.

1) Ut Status Prussiae maneat talis qualis Anno MDCCCCLXVII fuit.

2) Si nouae controuersiae inter Regem et Ordinem Teutonicum exoriantur, per amicabilem compositionem Maximiliani I. Imperatoris Vladislai Regis Hungariae et Cardinalis Matthaei Gurcensis finiantur.

B

3) Ne

- 3) Ne Maximilianus Imperator Marchioni (scilicet Brandenburgensi Ordinis Teutonici tunc Magistro Generali) vlla ferat auxilia, si pacem cum Polono inire detrectet, aut initam seruare recuset.
- 4) Rex Poloniae consentit ne vllus quam Germanus in ordinem Teutonicum recipiatur.
- 5) Vt in ipso conuentu caussae ciuium Gedanensium et Elbingensium, qui bannis imperialibus et aliis modis grauabantur, discutiatur et finiatur.

Haec autem iamiam recensita momenta solennius dein in ipso conuentu fuerunt acta firmataque, prò vt testatur

Renouatio et Confirmatio Amicitiae et Fraternitatis inter Maximilianum I Imperatorem et Sigismundum Regem Poloniae in conuentu eorundem personali facta. Magister Prussiae cum suo ordine Regi et Regno Poloniae perpetuo obnoxius, eisdem Iuramentum fidelitatis, et obedientiae, iuxta foederis Anno MDCCCCLXVI. percussæ formulam, praeſtabit. Rex Poloniae permittit vt ad ordinem Teutonicum soli Germani recipiantur. Camera Iudicii Imperialis ciuitates Gedanensem, et Elbingensem bannire, et infestare deinceps non audebit. Imperator Moscho contra Regem et Regnum Poloniae non auxiliabitur. Datum in Ciuitate Viennensi XXII Mensis Iulii. Anno MDLXV. Ex Originali, ibid. pag. 173. Num. XXI.

§. VIII.

Devenio nunc ad §§. XIII. XIV. XV. et XVI. Dissertationis meae, quorum contenta in primis suppleant sequentia, et ante omnia

Documentum Caroli V. Imperatoris, quo Ferdinando Archiduci Austriae plenam facit potestatem innouandi, et confirmandi, Pacta, Conuentiones et Foedera inter Sacrum Romanum Imperium et Domum Austriae, ac Sigismundum Poloniae Regem, suosque Antecessores inita. Datum in oppido

pido Valisoleti *Die XVIII Mens. Mart. Anno MDCLXXIII.*
 Ex Archiu. Regni, ibid. p. 181. Num. XXIV.

Quae autem, vti §. XIII. asserui, tunc temporis, quo in publicum emisi meam Dissertationem, nondum lucem aspexit publicam *Formula Foederis inter Ferdinandum I. Regem Romanorum et Sigismundum Augustum Poloniae Regem.* Latino idiomate scripta postea legitur inserta tot vicibus iam citato CODICI DIPLOMATICO *Regni Poloniae Magnique Ducatus Lithuaniae T. I. p. 213. Num. L. sub inscriptione.*

Tractatus Foederis inter Ferdinandum Roman. Hungariae et Bohemiae et Sigismundum Augustum Poloniae Reges ac Regna Provincias Nationes et Populos utriusque conclusi, quo priora Pacta et Foedera inter Maiores suos inita renouant, et confirmant, ac mutua sibi inuicem contra omnes hostes auxilia promittunt. Milites alteri intra alterius Ditiones conscribere liceat. Rex Poloniae Nepoti suo Regis Hungarorum Filio, auxilia contra Ferdinandum non feret. Modus decidendi controuersias inter utriusque Partis subditos praescribitur. Moneta iusto valore cudatur, eiusque aestimatio constituatur etc. Dat. II Mensis Iulii. Anno MDCLXIX.
 Ex origin. Sigil. 2.

Huius foederis contenta, in iam allata inscriptione breuiter indicata, fusius exposui in mea Dissertatione §. XIV. *Confirmatio* porro *Caroli V. Imperatoris*, quae pariter tunc adhuc inscripsi latebat, eodem cum ipsa foederis formula tempore, publici iuris fuit facta insertaque modo iterum laudato CODICI DIPLOMATICO T. I. p. 219. Num. LI. ornata quae sequitur, inscriptione

Renouatio et Confirmatio Pactorum et Foederum inter Domum Austriae, et Reges ac Regnum Poloniae initorum per Carolum V. Imperatorem facta, eodem ordine, forma, modo et tenore, quo Ferdinandus Romanorum Rex eadem Pacta

et Foederis, confirmavit, instauravit et renovavit. Dat.

Bruxellis Die XII Mens. Decembris Anno MDCLXIX.

Ex Originali descripta.

§. IX.

Recensita vero §. XXI. Dissertationis meae, rarissimo e libro, ibidem memorato, *Acta Pacis Bithoniensis et Bendzizensis* inscripto, maximam partem quoque deprehenduntur in CODICE DIPLOMATICO T. I. p. 231 sq. Quoniam vero quae in hoc leguntur ad dictam pacem pertinentia documenta, ex Originalibus fuerunt desumpta, differunt hinc inde, circa inscriptiones et contenta ab iis, quae in modo memorato libro deprehenduntur, quemadmodum duo solum exempla iamiam proferenda, vel sola inscriptionum habita ratione, satis superque comprobabunt. Nimirum ibidem No. XI. extans formula transactionis in CODICE DIPLOMATICO ita est inscripta

Tractatus Pacis inter Rudolphum II Imperatorem Hungariae Bohemiaeque Regem, et Maximilianum Archi-Ducem, universamque Domum Austriae ab una, et Sigismundum III Regem atque Ordines Regni Poloniae et Magni Ducatus Lituaniae ab altera, per commissarios utrinque cum plena potestate delegatos conclusus, quo Maximilianus inani paucorum studio in Regem Poloniae electus praetenso Iure in hoc Regnum cedit, ac Titulo Regis Poloniae se abdicat. Dat. Bithonii et Bendzini Die IX Mart. Anno MDCLXXXIX.

Ex Originali Sigil. 14. ibid. T. I. p. 231.

Contenta huius pacificationis fusius exhibui in mea Dissertatione, §. XXII. p. 38 sq. Confirmatio contra transactionis Caesareae, quae a me sub No. XVII, p. 36. memoratur, cuiusque contenta §. XXIII. exposui; in CODICE DIPLOMATICO iterum iterumque citato pag. 246. No. LXII. ita inscripta legitur

Tracta-

*Tractatus Foederis inter Rudolphum II. Imp. Hungariae etc.
et Bohemiae Regem ac Sigismundum III Regem Poloniae
conclusi, quo priora Pacta et Foedera inter Domum Austriae
ac Reges et Regnum Poloniae inita renouantur instaurantur
et confirmantur. Datum Pragae Die XXVI Mai. Anno
MDCLXXXIX. Ex Origin.*

§. X.

Illustrata a me §. XXIV. Dissertationis meae, instauratio
pactorum inter domum Austriacam regnumque Poloniae depre-
henditur quoque in CODICE DIPLOMATICO T. I. p. 294.
ac sequenti gaudet inscriptione.

*Tractatus Foederis perpetui inter Matthiam Roman. Imperato-
rem et Sigismundum III Poloniae Regem, ac inter utriusque
Regnorum, Prouinciarum, et Dominiorum Populos et Na-
tiones initi, quo priora Pacta et Foedera inter Maiores
suos inita renouant instaurant declarant et confirmant, mu-
tuumque sibi inuicem amorem et auxilia promittunt, atque
haec et alia conclusa insimul ratificant. Datum in Arcibus
Posoniensi et Varsouiensi Die XXIII Mensis Mart. Anno
MDLXXIII. Ex Originali Sigill. 2. in Archiu. Cancell.
Regni Lib. CXXVI. No. 127. fol. 3.*

Amplum vero inprimis est foedus, quod *Ferdinandus II Im-
perator cum Vladislao IV Rege Poloniae* pepigit. Mentionem
eius quidem feci in Dissertatione mea §. XXVI, sed simul
etiam me illius formulam reperire non potuisse, ingenue
sum professus. Et forsitan tunc temporis nondum typis im-
pressa fuit, sed sine dubio omnium prima vice, inserta legitur
CODICI DIPLOMATICO Regni Poloniae etc. T. I. p. 300.
No. LXXXVIII. sequenti sub inscriptione

*Foedus inter Ferdinandum II. et Vladislaum IV Regem Polo-
niae, quo priora Pacta et Foedera inter Reges et Regnum
Poloniae inita renouantur et confirmantur. Dat. in ciuitate*

Viennensi et arce Regia Cracouiensi, *Die XII Mensi Febr. Anno MDCCCXXXIII. Ex Origin. in Archiu. Cancellariae Regni Lib. CLXXVIII. No. 179. fol. 109.*

Constat XVIII Articulis, in quibus fufius declarantur quae in praecedentibus, breuiori modo sunt expofita. Qua de cauffa illius contenta hic repetere haud necesse iudicaui Foedus porro inter *Leopoldum Imperatorem et Iohannem Regem Poloniae* XXIV Apr. Anni MDCCCLXXVII. initum et a me §. XXVII Differtationis meae illustratum, extat etiam in CODICE DIPLOMATICO modo iterum memorato T. I. p. 331. No. CXII. in fcriptum

Foedus inter Leopoldum Romanorum Imperatorem et Iohannem III Regem Poloniae, quo priora Pacta et Foedera inter Reges et Regnum Poloniae inita, renouantur et confirmantur. Actum in ciuitate Viennae et arce Regia Varfouiensi Die XXIV Aprilis Anno MDCCCLXXVII. Ex Originali Sigill. 2.

Huius denique foederis instaurationem Dat. Varfou. in arce Regia Menf. Nou. MDCCCXXXII. de qua egi §. XXVIII. Differtationis meae legere licet in CODICE DIPLOMATICO Pol. T. I. p. 351. No. CXVIII. cum integris fubfcriptionibus, quas huc transcribere lubet, quoniam in mea Differtatione non tam accurate potui exhibere. Sunt autem

<i>Henr. Guil. Comes de Wilczek,</i>	<i>Theodorus Potocki, Archi-Ep.</i>
<i>Legatus.</i>	<i>Gnefn. Primas Regni Pol.</i>
<i>Christoph. Anton. Szembek,</i>	<i>et M. D. L.</i>
<i>Episc. Vladislauiens. et Pomeraniae.</i>	<i>Ioseph. de Konczyce Mnifzech,</i>
	<i>Supremus Regni Marefchallus.</i>
<i>Io. Potocki, Palatinus et Generalis Terrarum Kijouiae,</i>	<i>Ioann. Lipski, Episcop. Luceorienf. Procancell. Regni.</i>
<i>Capitan. Varfouiens. Commissarius.</i>	

Ioseph.

Mich. Casimir. Dux Radziuil, Maximil. de Tenczyn Oſſo-
Supremus M. D. L. Stabuli linski, Supremus Regni The-
Praefectus ſaurarius.
Adam. a Wilkow Wilkonski,
Succamerar. Terrae Soc.
ſhaczoviens. Commiſſarius.

§. XI.

Huc vsque igitur a me in medium prolata, ſunt quae praeſtantiffimo ac non ſatis laudando ex COIDCE DIPLOMATICO Regni Poloniae et Magni Ducatus Lituaniae, ad ſupplendam emendandam confirmandamque meam Diſſertationem, de Nexu foederum perpetuae vnionis inter Auguſtam Domum Auſtriacam Regnumque Poloniae, quo huc tranſcribantur digna quid quod digniſſima iudicaui. Vtcrius autem progredi prohibet quae nunc indicenda eſt ſolemnitas. Publice quippe nominandi ſunt viri iuuenes quos ordo noſter, exploratis per conſueta examina illorum ſtudiis, Summorum in philoſophia, honorum dignos iudicauit, ac partim nonnullis hos, per diplomata publice propoſita, iam contulit, nimirum IV prioribus, partim futuro die Iouis, qui eſt V Menſ. Mart. in ſolemni Panegyri in auditorio philoſophico, per Splendidiffimum Dominum Procancellarium meque, Deo volente, conferet, IX. ſcilicet poſterioribus. Omnes autem, ſecundum morem huc vsque obſeruatum, locati, ita ſe inuicem excipiunt.

CHRISTIANVS CONRADVS CLAVS,

MILDENAVIA MISNICVS,

SACRIS FACIENDIS IN VRBE ZAHNA DIACONVS.

IOHANNES ADAMVS GOTTLIEB KIND,

WERDA - MISNICVS.

FRIDERICVS HENRICVS MAXIMIL. KERSTENIVS,

DRESDENSIS,

IVRIVM BACCAL. ET ADVOCATVS IMMATRICVLATVS.

GEOR-

XVI

GEORGIUS CHRISTIANVS HECK;
ONOLDINO - FRANCVS.

CHRISTIANVS SIGISMVNDVS HAVPTMANN,
GERA - VARISCVS.

CAROLVS TRAVGOTT THIEME,
CANITIO - MISNICVS.

CHRISTOPHORVS HENRICVS NESTLER,
LIPSIENSIS.

CHRISTIANVS GOTTLOB HEMPEL,
HORBVRGENS. MISNICVS.

CAROLVS WILHELMVS DASSDORFF,
MERSEBURGENSIS.

IOANNES AVGVSTVS WOLF,
NAVENHOFFENS. MISN.

IOHANNES FRIDERICVS LOHDIVS,
GRVNBERGENS. MISNIC.

IOHANNES FRIDERICVS LYSIVS,
VOIGTSTADIO - MANSFELDENSIS.

HENRICVS ADOLPHVS SEGER,
KNOBELSDORFFIO - MISNICVS.

Ad vos igitur, RECTOR ACADEMIAE MAGNIFICAE, ILLVSTRISSIMI COMITES, VTRIVSQUE REIPUBLICAE PROCERES, CIVES denique *Generosissimi* pariter ac *Nobilissimi*, mea nunc se conuertit Oratio, vos et Ordinis mei meoque proprio nomine, etiam atque etiam rogans, velitis perhonorifica Vestra praesentia haec solemnia reddere splendidiora. Insignem hunc honorem et singula Ordinis mei Membra, et Candidati gratissimo sane agnoscere animo nunquam intermittent. P. P. in Vniuersitate litterarum *Lipsiensi*
DOMINICA ESTO MIHI A. R. S. CIOCCCLXXII.


L I P S I A E

EX OFFICINA LANGENHEMIA.

THEO

LANGELL,

LIPSIENSIS.





Biblioteka Jagiellońska



stdr0024840

